

ANNABI ILIA



The history of the prophet Elijah in Kyanga as recorded in the books of the prophets: 1 Kings 16:29 - 19:21, 2 Kings 1:1-2 :18.

Kirina takada farashinaa

Isra'ilana kiri Ahabu

Yahudana kiri Asa kirikena wê kedokoori aweresoowazolu ye Omëri ni Ahabu gbèegũ Isra'ilana kiri, ì àce kirikœelu Samaria wê keedu awereduzo. Yã ka Zonadi ba waajiba ì kè ì kpà gūnala ka bii'ini watalu pai. Ducena Neba ni Jeroboamu zunubikenaazo ci ke'ini fókamba, ye ì Shidõ gūna kiri Etebaali ni nifi Jezabeli shì nœe, ye ì farashì ì zøkè Baalini, ita kuce'ini. Ì kpe bù Baalini Samaria, ye ì ì sãmakegu gifa kpe ginaalu. Ì Ashetaati ako gifalu mɔno, ì cœe ì Zonadi Isra'ilana Ladu zūn fà'izo ì kpà Isra'ilana kirinala ka bii'ini watalu pai.

Ahabu looto Beteli gū Hieli Yariko mɔkè ì kpitikà. Ka ì ì bīnni kpitikà, ye ì ni nigõni sara Abiramu gà. Ka ì ì bɔgu gambuna gifa, ye ì ni nigõni gbějizo Shegubu gà, laaka Zonadi kà Nuni ni Yɔshuani ì fi.

Kwaragana annabi Ilia toronaa

Tishœbe gū Ilia bð kpe Giliada cerelu, ì yà ì Ahabu lì ì kè: Kūni Zonadi Isra'ilana Ladu hundiizo ka mabi zœke'ini, shina zaa wê cece firi ba kpaaba, laa ba bãaba. Sai lootoo ka má fia.

Ye Zɔnadi yāfi Iliani ì kè: Kpete ò yaa gucijĩmma, ò dudu Keriti gooru ereelu Urudũ baaji, ò gooru ginaa i mi. Ma ò kwaraganani àna n toro gube. Ye ò yà ò kè laaka Zɔnadi fi'ini, ò bii Keriti gooru'ereelu Urudũ baaji. Kwaragana tagũ nua'ini burodizɔ kũni sɔwɔwɔ saraazɔ kũni itɔkɛɛzɔ, ye itagũ gooru ginaa i mia.

Zarifata gyāa Ilia toronaa

Difiaa gbēji gooru ginaa i gàra, dun wòbabi laa bāa cere ginaaluba. Ye Zɔnadi yāfi'ini ò kè: Kpete ò yaa Zarifata, Shidõ kutu, òngũ bii gube. Ma fi gyāa kɛeni inagũ n toroa gube. Ye ò kpète ibi yaa Zarifata. Ka ò bùru fara ginaa lema, ò gyāa kɛe lì, ibi akɔ shia gube. Ye Ilia lezù gyāa ginaaji ò kè: Yaa ò numani izɔ, baa jĩn, mà mì. Ka ibi yaa i kishiiji, Ilia cɛɛ ò lezù'iji ò kè: Ò numani burodi kasuzɔ mɔwɔ. Ye nɛgũ ginaa fi'ini: Kũni Zɔnadi n Ladu hundiizɔ, baa karaa maba zɔba, sai wicici ɔkutu du fɛelu kũni yɔwɔ jĩnzɔ tɔrɔlu baashi. Ì akɔ kpetenaa mabi shia lè, dun mà yaa kpe mà fɔbinaa kezɔ wò bi kũni ma nizɔ, wògũ gaa dāa. Ye Ilia fi'ini: Mba tu wohu nà n kũba. Yaa ò ke laaka n fi, amaa karaa kezɔ jĩn ò nuzɔmani gĩna, ò gĩnaa ò n fɔ ke, á kũni n nizɔ. Zaaka Zɔnadi Isra'ilana Ladu kè wiri wicici ba incea fɛeluba, mɔwɔ yɔwɔ ba incea tɔrɔ ginaaluba hari lootoo nà buru ka laa nà bā cere lè. Gyāa ginaa yà ò kè laaka Ilia fi'ini, ye àbi fɔbia laale hari di gbāa, ini kũni ò wei gũnazɔ kũni Iliazɔ. Wiri wicici ci ince fɛe ginaaluba, mɔwɔ yɔwɔ ci ince tɔrɔ ginaaluba, laaka Zɔnadi fi Ilia lema.

Lɛɛ gbɛ̃ji nɛgũ kwaacenadi ginaa ni ginaa bi gɛdɛa. Ka gɛ ginaa gbɛ̃dakũ nɔɔnɔ, ye ni ginaa gà. Ye nɛgũ ginaa fi Iliani: Ladu gũ, bó ye wo dákũ, ye n nù ma wei? N nù n ma zunubina zũndɔ Laduma, dun ina ma ni dɛ koo? Ye Iliia fi'ini: N n ni ginaa kpamani. Ye ì ni ginaa shì nɛgũ ginaa ɔɔlu, ì shià'izɔ kpedinakũmama igulu ka ì ìɛ. Ì ì wùɛ ì wucebɔɔma gubɛ, ye ì ù Zɔnadini ì kè: Zɔnadi ma Ladu, nni ye tù gyãa ka ma ìɛ ì wei ni gà, n zũnwuri kà'ima? Ye ì kùɛ nigõni ginaama tara à, ì ù Zɔnadini ì kè: Zɔnadi ma Ladu, tu ì hundii nà cɛɛ ina cì ì duwerelu. Zɔnadi Iliia unaa mà, ye hundii cɛɛ ì cì ni ginaa duwerelu, ì ṽ. Ka Iliia nigõni ginaa shìtɛ ì ìɛ'izɔ, ì gɛ̃'izɔ koru, ye ì ì kpà ì dõni ì kè: Wa, n ni bitɛ! Ye nɛgũ ginaa fi Iliani: Ma d̃ beɛ ka Ladu guɛmi nni. Zɔnadi yã ka b̀ n lelu yãdami.

Iliia kũni Obadiazɔ

Iliia difiaakè gubɛ. Ì wɛ̃ adibilu ye Zɔnadi yãfi'ini ì kè: Yaa n n ginda mɔ Ahabuni, má tua laa nà bã ì cerelu. Ye Iliia kpɛtɛ ibi yaa ì ginda mɔɔji Ahabuni.

Nɔɔ kĩn ì gbɛ̃dakũ Samaria, ye Ahabu ì ì wei waadɔda Obadia shìshi. Obadia ginaa kĩn ita miikuɛ Zɔnadini nɔɔnɔ. Lootoo ka Jezabeli bi Zɔnadi annabina dedɛa, Obadia ì à shìtɛ gũ keesɔru, ì à dùdu gbɛrɛ'erenalu gũ keefiafiawokoori, ye ì à tòro kũni fɔbinaazɔ kũni izɔ. Ye Ahabu fi Obadia ginaani: Wò cere futɛ wò yaa ikpakona gu kũni gooru ɛrenazɔ pai. Wòbata dõba wona shɛɛ li wò wo bisana torozɔ kũni wo farigabisanazɔ. Ye

à cere gbìri kũni, à pai jere kũ. Ka Obadia dekerékè Iliazo jerema, ì ì dṣ, ye ì wùce ì gberεema ì kè: Ma zṓnadi Iliā, nnimi gubεa? Iliā wì'ini ì kè: Manimi! Yaa ò fi n zṓnadini ma cì. Ye Obadia kè: Taali kpaci ma kè, ye mbi mani n zṓkeda naa Ahabuni ì ṓlu ina ma dε? Kũni Zṓnadi n Ladu hundiizo bè keε koo cere keε ba biiba ka ma zṓnadi ci gũna dē'ama n tṓji. Wòna kè mba bii gubεba, ita tu àna ke nno shìte kũni fṓkeεzṓ. Ye mbi fiamani bece mà yaa mà fi ma zṓnadi Ahabuni n cìā? Mana jerekũ, mabagũa dṓa guu ka Zṓnadi Nanii n shitea ina yaa'nzṓba. Manaa yà ma fi Ahabuni, ye ici n waba, ì ma dεa. Mani n zṓkeda kĩn ma miikùce Zṓnadini zaa ma jingikewi. Ma zṓnadi Iliā, ka Jezabeli bi Zṓnadi annabina dεdεa, fṓ ka ma kè nci maba dee? Mani ye ma à gũkena shìte keesṓru, ma à dùdu gberε'erenalu gũ keefiafiawokoori, ma à tòro kũni fṓbinaazṓ kũni izṓ. Ye mbi fiamani bece mà yaa mà fi ma zṓnadi Ahabuni n cìā? Ì ma dεa. Ye Iliā kè: Kũni Zṓnadi Dēbunadi hundiizo ka mabi zṓkeā'ini má yaa dun ina ma wa cece.

Iliā kũni jinadinazṓ biina Kaameli gberεema

Ye Obadia yà ì dekerékè Ahabule, ì yā ginaa fi'ini, ye Ahabu yà dekerεke Iliāle. Ka Ahabu Iliā lì, ì kè'ini: Isra'ila ceredεda, nnimi gubεa? Ye Iliā kè: Ba mani ye Isra'ila cere dēba, nnimi kũni n djii wei gũnazṓ ani ye dè, zaaka a pākpà Zṓnadi yāgifananaji, a dṓ Baaliji. Isra'ilana shishi pai bece àna dakũ ma gu Kaameli gberεema ledule kũni Baali jinadizo gũ keesṓru

shi kũni keefiawokoorizɔ kũni Ashetaati jinadizɔ gũ keesɔru shi ka tà fɔbi kũni Jezabelizɔ.

Ahabu Isra'ilana shìshi pai, ye ì jinadinanɔ dākũ Kaameli gberɛema. Ye Ilia nù Isra'ilana gu ì à làlu ì kè: Ágũa yã kũna ɔgbɛ̃ji hari di kpaci? Ina Zɔnadimi Ladu, à dɔ'ima. Ina Baalimi kĩn, à dɔ'ima. Àci fɔkan wi'iniba, ye Ilia fi'àni: Zɔnadi annabinalu mani ye gbèegũ ma din. Baali jinadina kĩn à gũ keesɔru shi a keefiawokoorizɔ. À dì nigɔ̃ni kpawoni guda fia, jinadinanɔ nà duu shite àna jɛ̃jɛ̃ àna ka akɔma, ànaba ɛɛ kamaba. Mani kĩn má duu mɔ̃kɛa, má kaa akɔma, mába ɛɛ kaama kimba. Àni àna Baali shishi, mani kĩn má Zɔnadi shishia. À gũ ka nà yã ma ye ì ɛɛ kàma, inimi Ladu. Ye gũpai kè: Ì nɔɔ! Ye Ilia fi jinadinanɔni: À dì nigɔ̃ni duu shite à mɔ̃kɛ farashina, zaaka ani ye gbãa. À a zɔnadi shishi, amaa àba ɛɛ kamaba. Ye à dì nigɔ̃ni shite ka wò kpà'àni à mɔ̃kè, ye àbi Baali shishia zaa saraazɔ hari usɔɔ bùru mii musu. Àbi bebea, àbi likaa sãmakeguji ka à bù, àbi kea: Baali, yãmawoma fa! Suka beezɔ àci fɔkan maba, ici yãma'àniba. Ka usɔ̃cĩmmi, ye Ilia bi à iaa ì kè: À dindà gbãda, ba inimi Ladu dee? Kila ibi laasaabukea koo? Ì yà kpa keɛ koo? Ì yà faralu koo? Ibi iwerekɛa, ye ábi ì kpɛtaaa? Ye àbi dindaa kũni lɔkɔlu gbãdaazɔ, àbi à ginda jɛ̃jɛ̃a kũni takubazɔ kũni shingiizɔ laaka àta ke, hari ama bi bashia à duwerɛma. Ka usɔɔ àri, ye àbi yã gbãa fia hari itɔ̃kɛ sãmakɛdi bùru. Suka beezɔ ici fɔkan wi'àmaba, ici à yã maba, ici tɔ̃nɔle'àjiba.

Ye Ilia fi gbāani: À nu ma gu! Ka à nù ì gu à pai, ye ì Zɔnadi sāmakegu mɔ̀kè ka wò gbòro, ibi bua. Ì gberée shìte guda koori awerefiazɔ Yakubu bena gūna lɛma. Yakubu ye Zɔnadi yāfi'ini yāa ì kè, wò fi'ini bece Isra'ila. Ka ì Zɔnadi sāmakegu ginaa bù, ye ì èrɛe yè ì lìkaji. Èrɛ ginaa bùru ina i shìte lita wakaasɔru. Ì akɔ kà sāmakegu ginaama, ì dì ginaa jèjè ì kà akɔ ginaama ì kè: À i gara bella shi, à ka sāmakebɔ ginaama kūni akɔ ginaazɔ. Ka à gàra, ye ì kè: À cèe àna gara mɔ̀nɔ. Ka à i gàra, ye ì kè: À cèe à i gara ina kè tara à. Ye à i gàra hari tara à. Í ginaa bashì ì lìka sāmakegu ginaaji hari èrɛ ginaa fà. Itɔ̀ke sāmakedi ye annabi Ilia nù sāmakegu ì kè: Zɔnadi, Ibrahĩ kūni Isakazɔ kūni Isra'ilazɔ Ladu, tu wòna dɔ̀ cece nnimi Isra'ilana Ladu, mɔ̀nɔ n zɔ̀kedami mani, mabi yā lɛe kea, dun nni ye fimani. Nè ma yā ma Zɔnadi! Nè ma yā ma, dun gū bena nà dɔ̀ nni Zɔnadi nnimi Ladu, mɔ̀nɔ mbi à zūn soria'àni, dun àna cèe àna ci'mma. Ye Zɔnadi ce cì sāmakebɔ ginaama kūni akɔzɔ kūni gberenzɔ kūni cɛrɛzɔ, à cɛkù, ye i ka bii èrɛelu ginaa gàra. Ka gūna wà, à wùce à gberɛema à kè: Zɔnadimi Ladu! Zɔnadimi Ladu! Ye Ilia fi'àni: À Baali jinadina kùkù, à gūkan naba pitoke'aniba. Ka à à kùkù, ye Ilia yà'àzɔ Kisɔ̀ guwucenaalu, à à dèdɛ gubɛ.

Ilia fi Ahabuni: Yaa n fɔ̀bi, n imi, zaaka ma la kɔ̀sɔ̀ngu mà. Ye Ahabu yà ibi fɔ̀bia, ibi imia. Ye Ilia shìa ì yà Kaameli miima, ì àce ì werɛgifa ì gbekūsū ataalu. Ì fi ì dikinakedani: Yaa n guuwa tekɔ̀ ɔ̀ji. Ye ì yà ì waadɔ̀. Ka ì cì, ì kè: Fɔ̀kan ba bii gubɛ. Ye Ilia fi'ini ina cèe ina yaa ina waadɔ̀ mɔ̀nɔ, ye ì yà laale

hari tara sɔɔdu. Tara sɔɔfiadibilu ye dikiakada ginaa kè: Ma búru wà jīn du ɔtaahizɔ, ibi kpetea tekuma. Ye Ilia fi'ini: Yaa ñ fi Ahabuni ina ì bisaguru iri bisanani, ina gēlu ina ice kasaama hari laa ì ì dādā. Laa bi ciria busābusā, utu zaa kpète, ye laa bā ɔɔɔɔ. Ahabu bii bisagurulu, ibi yaa Jezereli. Zɔnadi gbādaa shia Iliama, ye ì ì gōbishēē dākū ì kū, ì bashi ì kè watalu Ahabuni hari ì búru Jezereli.

Zɔnadi bɔna nuna Iliama Horebu kasaama

Ka Ahabu yā deedeekè Jezabelini ka Ilia kè, laaka ì jinadinano dèdè kūni takubazɔ à pai, ye Jezabeli lekpelele kè Iliani ì kè: Hari lefū mɔkalaale, manaaci ke'nni laaka n kè jinadinoniba, jina nà yā zaa kemani vānivāni! Ye wohu Ilia kū, ye ì kpète ì bashi ì yà a ginda mii shiiji. Ka ì búru Beesheba, Yahuda cerelu, gube ì ì dikiakada ginaa tū, ye ì yà ganganilu di du. Ì yà ì àcē ciba akɔ kucelu, ye ì wotukè dun ina gā ì kè: Zɔnadi, yā lee búrurumama. Ñ ma shite kyāakyāa, zaaka maci kpa ma dijinalaba. Ye ì wūcē ibi iwerekea ciba akɔ ginaa kucelu.

Mala'ika nū gube, ì ɔkè'ima ì kè: Kpete ñ fɔbi. Ka Ilia waadɔ, ye ì kara arinaa kūni itɔɔɔ wà dina ì mii gu. Ye ì fɔbi ì imi ì cēē ì wūcē. Zɔnadi Mala'ika cēē ì nū tara fiadibi, ì ɔkè'ima ì kè: Kpete ñ fɔbi, zaaka tana sàa ye n kea. Ye ì kpète ì fɔbi ì imi. Fɔbina ginaa tū ì gbādaa li, ye ì tà di keefia emena kūni gāɔnizɔ hari ì búru Ladu kasaama ka wòta ke Horebu. Ka ì gē gberē'erēelu, ibi iwerekea gube, ye Zɔnadi yāfi'ini ì kè: Ilia, bɔ

ye mbi kea gule? Ì wì'ini ì kè: Zɔnadi Ladu Dēbunadi, ma takpà nɔɔnɔ n yā musu, zaaka Isra'ilana pākpa n i biina'àzo yāji, ye à n sāmakeguna gbòro à n annabina dède takubazo. Mani ye gbèegū ma din, ye àbi ma tōa àna ma de bece. Ye Zɔnadi kè: Bɔ ò yaa ò duce ma watalu kasaama gulele, má gitaa n watalu.

Utu ashi gbādaa kpète, ibi kasanano kasua, ibi gberè ashina wiwia Zɔnadi watalu, amaa Zɔnadi ba bii utu ginaaluba. Utu ginaa gbēji cere lukpākpa, amaa Zɔnadi ba bii cerelukupakpana ginaaluba. Cerelukupakpana ginaa gbēji bece cemi, amaa Zɔnadi ba bii ce ginaaluba. Ce ginaa gbēji yākutukutu ye kè busābusā. Ka Ilia yā ginaa mà, ì ì gōbishēe tà ì werema, ye ì bò ì dùce gberè'ere ginaa lema, ì mà wò fi'ani: Ilia, bó ye mbi kea gule? Ì wì'ini ì kè: Zɔnadi Ladu Dēbunadi, ma takpà nɔɔnɔ n yā musu, zaaka Isra'ilana pākpa n i biina'àzo yāji, ye à n sāmakeguna gbòro à n annabina dède takubazo. Mani ye gbèegū ma din, ye àbi ma tōa àna ma de bece. Ye Zɔnadi fi'ini: Cēe ò yaa Damasaku ganganilu. Nna buru gube, ò Hazaeli kaa Suriana kiri, ò Nimishi toi Yehu kaa Isra'ilana kiri, ò Habila Mehola gū Safata ni Elisha dia annabi n gurubi. Gūna ka bò Hazaeli takuba lèlu, Yehu ye à dèdèa. Àna bò Yehu takuba lèlu kīn, Elisha ye à dèdèa. Amaa ma Isra'ilana zo dubu soofia (7,000). À gūkan ci kuce Baalini à lèkà'imaba.

Elisha shishinaa

Ye Ilia kpète ì b̀ò gube, ì yà ì Safata ni Elisha lì, ibi jefuu garaa k̀uni dinaz̀o k̀uni ì g̀unaz̀o tuf̀ia koori awerefiaz̀o. Ini ye d̀ò gb̀eji. Ye Ilia ǹu ì gu, ì ì g̀obishèè kà'ima. Ye Elisha ì ì dina t̀u gube, ì bashi ì b̀ò ì d̀ò Iliama, ye ì k̀è'ini: Tu mà yaa mà duce ma djiini k̀uni ma d̀wz̀o g̀ina, má g̀inaa nu mà d̀'mma bece. Ilia k̀è: Yaa, ǹ c̀èèa ǹ c̀i. Yã ka ma k̀è'nni ǹ d̀. Ye Elisha c̀èè ì ì dinaǹo j̀è, ì ce kà k̀uni d̀i f̀onaz̀o, ye ì dinaǹo s̀w fufukè ì kpà g̀unani à s̀u. Ye ì b̀ò ì d̀ò Iliama, ì gb̀èèg̀u ì gaakèda.

Kirina takada fiadibi

Ilia k̀uni kiri Aaziaz̀o

Ahabu gaa gb̀eji M̀abuna nno ginda sh̀i Isra'ilanama. Lootoo ka Aazia s̀ute zaa a kpedinak̀uma forolu Samaria, ibi gedea. Ye ì g̀una d̀è ì k̀è: À yaa Èkeroni d̀maa Baalijebu lalumani, manaa baanikea k̀uni ge lèez̀o. Ye Zonadi Mala'ika fi Tishebe g̀u Iliani: Kpete ǹ yaa daaji Samaria kiri m̀wz̀onale, ǹ à lalu, Ladu ba bii Isra'ila cereluba, ye àbi yaa ỳalaluuji Èkeroni d̀maa Baalijebumaa? Ì ỳaaji ma ke Aazia ba kpetea karaga ka ibi wuceamaba, ì gaami. Ye Ilia yà ì fi laale.

Ka m̀wz̀onaǹo c̀èè à yà kiri gu, ye ì à làlu ì k̀è: B̀oyãaji a c̀èè à c̀i? Ye à ẁ'ini à k̀è: Nig̀oni kee ye ǹu ì d̀awole, ì fiwoni ẁò c̀èè

wò cì, wò fi'nni, Zɔnadi ke Ladu ba bii Isra'ila cereluba, ye n gūna dè yā laluuji Ekeroni dɔma Baalijebumaa? Ì yāaji mba kpetea karaga ka mbi wuceamaba, ní gaami. Ye kiri ì à làlu ì kè: Nigõni ka nù dà'ale ì yāfi'ani bii laala? À wì'ini à kè: Fɔ kākā tɔɔɔ ye nigõni ginaa kà, mɔɔɔ ì she bæe ìri. Ye kiri kè: Tishebe gū Iliami.

Kiri a dēbukedana keefiawokoori kūni à wataluzɔ dè Ilia kūuji, ye à yà à ì lì acena kasaama. Watalu ginaa fi'ini: Ladu gū, kiri ke ì ice! Ilia wì'ini ì kè: Inaa Ladu gūmi mani, ce bɔ laduwei, ina kū'mma kūni n dēbukedanazɔ keefiawokoori. Ye ce bɔ laduwei, ì kù'àma pai. Ye kiri cèe ì dēbukedana keefiawokoori kena kūni à wataluzɔ dè mɔɔɔ. Watalu ginaa kè: Ladu gū, kiri ke ì ice kyāakyāa! Ilia fi'àni: Inaa Ladu gūmi mani, ce bɔ laduwei, ina kū'mma kūni n dēbukedanazɔ keefiawokoori. Ye Ladu ce ice, ì kù'àma pai. Ye kiri cèe ì dēbukedana keefiawokoori kena kūni à wataluzɔ dè tara adibi. Watalu ginaa yà ì kūsūkpète Iliami ì yaafatɔ'ima ì kè: Ladu gū, mani kūni n zɔkeda keefiawokoori lena, n wo hundii darajawa. Ce bɔ laduwei ì kù watalu fia farashinaama kūni à dēbukedanazɔ pai. Becere kīn n ma hundii darajawa. Ye Zɔnadi Mala'ika fi Iliani: Ice n yaa'izɔ, mba wohuma'iniba. Ye ì ice, à yà kiri gu ledule. Ye Ilia fi kirini: Zɔnadi ke aba bii Isra'ila cereluba, ye n gūna dè yā laluuji Ekeroni dɔma Baalijebumaa? Ì yāaji mba kpetea karaga ka mbi wuceamaba, ní gaami. Ye kiri Aazia gà laaka Zɔnadi kà Iliani ì fi.

Yahudana kiri Yehoram, Yehosafa ni kirikena wê fiadibilu ye Yoram àcê Aazia gurubi, dun Aazia ba ni nigõni zɔba. Aazia yã kutuna bii Isra'ilana kirina takadalu.

Zɔnadi Ilia shìte ì cì'izɔ a gu

Laaka Zɔnadi Ilia shìte sagara utuzɔ ì cì'izɔ a gun lè: Ka Ilia kũni Elishazɔ bɔ Giligali, àbi taa jerema. Ye Ilia fi Elishani: Duce gule! Zɔnadi ì ma dè Beteli. Ye Elisha kè: Kũni Zɔnadi biinaazɔ kũni n biinaazɔ mába kataa'mmaba. Ka àbi yaa Beteli, ye annabina gandu gũna ka bii Beteli bɔ à nù Elisha làlu à kè: Zaaka n dɔ Zɔnadi bi n zɔnadi shia'mma cecebaa? Ì wì'àni ì kè: Ma dɔ. À nace! Ye Ilia fi Elishani: Duce gule! Zɔnadi ma dè Yariko. Ì wì'ini ì kè: Kũni Zɔnadi biinaazɔ kũni n biinaazɔ mába kataa'mmaba. Ye à yà Yariko. Annabina gandu gũna ka bii Yariko bɔ à nù Elisha làlu à kè: Zaaka n dɔ Zɔnadi bi n zɔnadi shia'mma cecebaa? Ì wì'àni ì kè: Ma dɔ shã! À nace! Ye Ilia fi'ini: Duce gule! Zɔnadi ma dè Urudũ. Ì wì'ini ì kè: Kũni Zɔnadi biinaazɔ kũni n biinaazɔ mába kataa'mmaba.

Ye à dɔ kũma, annabi keefiawokoori dɔ'ama. Ka gũ fiaanano dùce Urudũ lema, ye annabinano dùce sàa. Ye Ilia a gɔbisheɛ bɔ ì dekerekè ì i wãzɔ, ye i ginaa wène zaa lema lè hari baaji, ì kè gege, ye gũ fiaanano bùra. Ka à bùra, Ilia Elisha làlu ì kè: Bɔ ye n waaji mà ke'nni hari Ladu ma shia'mma? Elisha wì'ini ì kè: Tu n annabikegbãdaa ka n zɔ nà gbɛegũmani hari tara fia. Ye Ilia fi'ini: Yã ginaa ka n làlu azu. Lootoo ka Ladu bi ma

shia'mma, nna ma wa, ì gbèegū'a'nni. Nnaaci ma wa kimba, m̄ba liaba. Ka àbi yā ginaa fia, àbi yaa laale, ye bisaguru c̄nadi k̄ni bisa cenadinaz̄o à à b̄o k̄lu, ye Ilia yà musu sagara utuz̄o. Ka Elisha wà, ì s̄ ì k̄: Baaba! Baaba! N b̄uru Isra'ilana d̄ebu bisagurunaji k̄ni à bisanadinaz̄o. Ici ì wa m̄n̄ba, ye ì ì asuna ḡara ì k̄asu. Ilia ḡobish̄e ka f̄uru'ima ì s̄ute ì sh̄ite, ye ì c̄e ì yà ì dùce Urud̄u lema. Ì i w̄ k̄ni Ilia ḡobish̄e ginaaz̄o ka ì k̄ ì k̄: Z̄nadi Ilia Ladu bii maami? Ka ì i w̄z̄o laale, ye ì w̄ne zaa lema l̄e hari baaji, ye ì b̄ura.

Annabina gandu ḡuna ka b̄o Yariko bi waad̄a, ye à k̄: Ilia annabik̄egb̄adaa gb̄èeḡu Elishani. Ye à n̄u daaji'ile à k̄uce'ini à k̄: Wonin̄o n z̄ok̄edana, wo niḡni gb̄adaa z̄o keefiawokoori. Àna yaa n z̄nadi t̄oji. W̄bata d̄ba Z̄nadi Nanii nà ì sh̄ite ì ì z̄u kasa k̄e musu koo guwucena keelu. Ye Elisha k̄: Àba à d̄ba. À ì kankank̄e hari ì k̄'ini gb̄adish̄eetana werema ȳami, ye ì k̄: À à d̄e. Ye à ḡu keefiawokoorin̄o d̄e, à Ilia t̄ di à, àci z̄'imaba. Ka à c̄e à c̄i, à Elisha l̄i Yariko, ye ì fi'ani: Maci fi'ani àba yaaba dee?